



翻刊焦氏易林序



粵自河圖洛書之後而文化溢流神道
設教以來而吉凶倚伏首自孔夫子繼
往聖而開來學莫不以是究夫進退存
亡之道通六藝而窮六經罔無以是知
夫消長逆順之理以循環來往消息盈虛
若繫辭曰知機其神乎作易者其知盜
乎等等之占是故曰君子居則觀其象
而玩其辭動則觀其變而玩其占是以

自天祐之言無不利則知在古昔聖人尚象以之趣善而避惡回凶以化吉尤有是然矧若今人性非淳古德義漸支而有弗究於暇時以甘罹於凶者得無慎慎其動乎由是以知之吁占者啻書之瑞緣聖人之心以通天故天示象以授聖人則天之有象因地之有形而立皇極三才之判萬物之生乃聖人存乎理而昭乎法代代相傳聖聖相繼遂為

素王之剖辭析義條貫彖經故能彌綸天地之大格窮宇宙之遠而以一以貫百以百以洞燭千萬事物之理有無之未發洪纖之已見罔不備載夫以一爻之變而知百千萬之事物神且莫測矣予聞之智圓而義方豈非聖賢乎常以著筮已有頗應後訪得易林一書所撰者乃焦延壽名貢梁人也因一卦之變為六十四卦六十四卦之變則爻爻有

應變無窮故得若干焉又且首開沙
隨之記驗鑿鑿可觀而可用者予謂斯
人誠一有德者也若是用之國家則有
如退舍勞惑之易示用之邊鄙則有如
運機守戰之先猷用之行事歷歷之際
而無往不用其利矣吁予也鄙拙之念
雖微而德資之義不已於是言也特命
工翻之以廣所未廣以濟所未濟以達
所未達其好理君子鑒諸其心矣夫故

云乎辭

皆

大明嘉靖辛酉歲林鍾吉日

瀋藩西屏道人書於

敕賜勉學書院之脩業堂



應變變無窮故得若干焉又且首開沙
隨之記驗鑿鑿可觀而可用者予謂斯
人誠一有德者也若是用之國家則有
如退舍熒惑之易示用之邊鄙則有如
運機守戰之先猷用之行事歷歷之際
而無往不用其利矣吁予也鄙拙之念
雖微而德資之義不已於是言也特命
工翻之以廣所未廣以濟所未濟以達
所未達其好理君子鑒諸其心矣夫故

云乎辭

皆

大明嘉靖辛酉歲林鍾吉日

瀋瀋西屏道人書於

敕賜勉學書院之脩業堂



周易變卦序

大凡變化象數莫逃乎易惟人之情僞最爲難知筮者尚占憂者與處貢明且哲乃留其術俞巖耕東鄙自前困蒙客有枉駕蓬廬以焦辭數軸出示俞嘗讀班史列傳及歷代名臣譜系諸家襍說之文盛稱自夫子授易於商瞿僅餘十輩延壽經傳於孟喜固是同時當西漢元成之間凌夷厥政先生或出或處輒以易道上干梁王遂爲郡察舉詔補小黃令而邑中隱伏之事皆預知其情得以寵異蒙遷秩亦卒於官次所著大易通變其卦總四千九十六題事本彌綸同歸簡易辭假出於經史其意合於神明但齋潔精專舉無不中而言近意遠易識難詳不可瀆蒙以爲辭費後之好事如君行者則于雲之書爲不朽矣昔聖唐會昌景虞歲周正主白靈越之雲溪漢王俞序

校定焦貢易林序

承議郎行秘書省校書郎臣黃伯思所校焦延壽易林中或字誤以快為快以羊為手以喜為嘉以鸛為鵠義可兩存焦延壽者名貢梁人以好學得幸梁王王共其資用令極意學學成為郡吏舉補小黄令但有盜先知盜遂無敢舉者考最當遷吏民上書乞留詔許增秩卒于小黄世人謂延壽之法凡筮得其卦則觀其所之卦林以占吉凶或卦爻不動則但觀本卦林辭爻本影有王似者於雍熙二年春遇異人筮得觀之貢林云東行無門西出華山道塞於難遊子為患之語最為有準後之觀者不可不辨延壽所著雖卜筮之書出於陰陽家流然當西漢中葉去三代未遠文辭雅淡頗有可觀覽謹錄上

雜識

前漢書京房字君明治易事梁人焦延壽名貢貧賤好學得幸於梁王王供其資用令極意學既成為郡吏察舉補小黄令以伺候先知姦邪盜賊不得發愛養吏民化行縣中舉最當遷三老官屬上書願留貢有詔許增秩留卒於小黄貢嘗曰得我
以亡身者京生也其說長於災變分六十卦更直日用事以風
雨寒溫為候各有占驗房用之尤精

孟康曰分卦直日之法一爻主一日六十卦為三百六十日餘
四卦震離兌坎為方內監司之官所以用震離坎兌者是二至
二分用事之日又是四時各專主之氣各卦主一日其占法各
以其日觀善惡

紀驗

沙隨程迥記驗

宣和末長慶福崔相公任州日其時晏清無事思此聖書處誠
自卜得大過卦云典冊法書藏在蘭臺雖遭亂積獨不遇災之
遜卦辭曰坐席未溫憂來和門踰墻北走兵來我後脫於虎口
其時卜後十日州亂崔相公踰墻而出家族不損無事歸京乃
知此書賢人所製初雖難會後詳無不中節見者當所敬重黃
金自貴未能蒙於比書

紹興末完顏亮入寇時有人以焦首易林筮遇解之大壯其辭曰
驕胡火形造惡作凶無所能成遂自滅身其親切應驗如此雖
天網淳風不能過也開闢以來惟亮可以當之延壽著書何以
知後世有亮也其漢焦延壽傳易於孟喜行事見儒林傳中此
其所著書也魯直題其前曰六十四卦變又有唐王俞序所書
每卦變六十四總四千九十六首皆為韻語與左氏傳載鳳凰

于飛和鳴鏘鏘漢書所載大橫庚庚予為天王之語絕相類豈
古之卜者有此等書耶

焦氏易林目錄

上經

乾

訟

泰

豫

噬嗑

大畜

坤

師

否

隨

賁

頤

屯

比

同人

蠱

剝

大過

蒙

小畜

大有

臨

復

坎

需

履

謙

觀

无妄

離

下經

咸

明夷

損

恒

家人

益

遯

睽

夬

大壯

蹇

姤

晉

解

萃

升 困 井 革 鼎

震 艮 漸 歸妹 豐

旅 巽 兌 渙 節

中孚 小過 既濟 未濟

焦氏易林卷上

乾之第一

乾 道陟多陂胡言連蹇譯瘠且龍莫使道通請謁不行求事無功

坤 招殃來螫害我邦國病傷手足不得安息

屯 陽孤亢極多所恨惑車傾蓋亡身常憂惶乃得其願雌雄相從

蒙 鵠鷓鳩鳩專一無尤君子是則長受嘉福

需 目矚足動喜如其願舉家蒙寵

訟 龍馬上山絕無水泉喉焦唇乾舌不能言

師 倉盈庾億宜種黍稷年豐歲孰民人安息一作國家富有人民蕃息與此

之升同
坤之始

此 中夜大吠盜在墻外神明祐助消散皆去

小畜据斗運樞順天無憂所行造德與樂並居

履 空拳握手委地更起富饒豐衍快樂無已

泰 不風不雨白日皎皎宜出驅馳通理大道與坤同

否 載日晶光駟駕興龍祿命徹天封為燕王

同人子彌索哺母行求食反見空空巢壘我長負

大有上帝之生福祐日成脩德行惠樂且安寧

謙 山險難登澗中多石車馳轉擊載重傷軸擔載差躓踉跄

右足

豫 禹鑿龍門通利水源東注滄海民得安從一作存

隨 乘龍上天兩蛇為輔湧躍雲中游觀滄海民樂安處

蠱 彭祖九子據德不死南山松柏長受嘉福

嵩山吳天刺政關身疾悲無辜背憎為仇

江河淮海天之奧府衆利所聚可以饒有樂我君子

嗷嗷堅冰黃鳥常哀悲愁不見甘粒但見藜蒿數警驚鷺為我

心憂

責 室如懸磬既危且殆早見之士依山谷處

剝 大禹戒路蚩尤除道周匝萬里不危不死見其所使無所

不在

復 三人為旅俱歸北海入門上堂拜謁主母飲勞我酒

無妄傳言相誤非于徑路鳴鼓逐狐不知跡處

大畜三年每妻相逐奔馳終日不食精氣勞疲

頤 經眼黃裳戴上以興德義既生天下歸仁

大過祭趾並處人民愁苦權兵荷糧戰於齊魯

坎 黃鳥來葉既嫁不吝念我父兄思復邦國

離 胎生季乳長息成就充滿帝室家國昌富

咸 三人求橘反得大栗女青以富黃金百鎰

恒 東山西岳會合俱食百家送從以成恩福

遯 眇雞無距與鵠交鬪翅折目盲為鳩所傷

大壯 邵大墻壞蠹象木折狼虎為政天降罪罰高弒望夷胡亥

以斃趙高望夷

晉 三癡俱走迷路失道惑不知歸反入患口

明夷 弓矢俱張把彈折絃九發不至道遇害患

家人 三女求夫不見復關伺候山隅長思憂歎

睽 陽旱炎炎傷害禾穀墻人無食耕夫嘆息

泰 騎往逐羊不見所望徑涉虎廬亡羝失羔

解 暗昧宜語相傳註誤鬼魅所舍誰知卧處

損 姬姜祥淑二人偶食論仁議福以安王室

益 公孫駕驪載聘東齊延陵說產遺季紵衣

夬 孤竹之墟失婦亡夫傷於蒺藜不見少妻東郭堂妻武氏

以亡

姤 仁政不暴鳳凰來舍四時順節民安其處

萃 任劣力薄屢驚恐怯如蝟見鵠不敢拒格

升 衛侯東遊惑於少姬亡我考妣久逝不來

困 噂噂所言莫如我恒歡喜堅固可以長安大有屯

井 鼃鳴岐山鼃應山淵男女媾精萬物化生文王以成爲開

周庭大有屯

革 玄黃虺隤行者勞疲役夫憔悴喻時不歸

乾

鼎 弱足剛跟不私出門市賈不利折亡為患

震 懸恒妻爻居非其安失與剝廬休坐徒居

艮 民怯伐惡姦人所伏寇賊大至入我邦郭妻子係獲一本

辭妹

漸 陽低頭陰仰首水為凶傷我賢進不利生其子

歸 妹背北相憎心意不同如火與金一本為

豐 太微帝室黃帝所值藩屏固衛不可得入常安無患

旅 繭栗犧牲敬享鬼神嗜飲食受福多孫

巽 出門逢惡為患為怨更相擊刺傷我手端

兌 鷓飛中退舉事不進宋人亂潰

渙 跛畸相隨日暮牛罷陵遲後旅失利亡唯泰之

節 龍角博顛位至公卿世祿久長起動安寧

甲子舜升大禹石夷之野徵詣王庭并治水土師之小

小過 從風放火菽芝俱死三害集房叔子中傷

既濟 梗生荆山命制輸班袍衣剝脫夏熱冬寒飢餓枯槁眾人

莫憐

未濟 長面大鼻來解已憂遺吾福子惠我嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生萌庶長養華葉茂盛

屯 蒼龍單獨與石相觸摧折兩角室家不足

蒙 城上有馬自名破家招呼醜毒為國災患

需 霜降閉戶蟄虫隱處不見日月與死為伍小解

訟 天之德室溫仁受福衣裳所在凶惡不起

師 皇陛九重絕不可登謂天堯高末見王公

比 孔德如玉出於幽谷飛上喬木鼓其羽翼輝光照國

小畜五範四軌復得饒有陳力就列騶虞悅喜履四足無負君

子所服南征述職以惠我國

履 弊苟在梁魴逸不禁漁父勞苦連室乾口

泰 雷行相逐無有攸息戰于平陸為夷所覆

否 六龍爭極服在不飾謹慎管鑰結禁無出

同人長男少女相向共語折薪在尅福祿歡喜

大有遷延惡人使德不通炎火為殃禾穀大傷

謙 修其翰翼隨風向北至虜夏國與舜相得年歲大樂邑無

盜賊

豫 鈗刀攻玉堅不可得盡我筋力眠繭為疾此過

隨 舉袂覆目不見日月衣裳簞簞就長夜室泰之臨同

蠱 賊人傷德大怒不福斬刈宗社失其邦國

臨 白龍赤虎戰鬥俱怒蚩尤敗走死於魚口

觀 北辰紫宮衣冠立中含和建德常受天福解之决坤之

噬嗑穆為堯使西見王母拜請百福賜我嘉子

賁 二人異趣反覆迷惑一身五心亂無所得

剝 南山大獲盜我媚妾怯不敢逐退而獨宿

復 衆尤所逐反作大怪九身無頭莫驚莫去不可以居

無妄延頭遠望昧為目病不見叔姬使伯心憂

大畜典冊法書藏在闈臺雖遭亂清獨不遇災大有

頤 自衛反魯時不可與冰炭異室仁道隔塞

大過溜癭秃疥為身瘡害疾病瘡殘常不屬遠

坤

坎 東齊郭廬嫁於洛都俊良美好媒利過倍

離 齊魯爭言戰於龍門構怨連禍三世不安此之費之

咸 膏澤肥壤農人豐敬利居長安歷世無患此之師

恒 倉盈庾億宜種禾稷年豐歲熟民得安息

遯 鴟鴞破斧邦人危殆賴旦忠德轉禍為福傾危復立

大壯 歲飢無年雪政害民乾溪驪山秦楚結冤

晉 樹膠累累締結難解媼母銜嫁媒不得坐自為身禍

明夷 些言厥開門鶴鳴彈冠章甫進用舞韶和鸞三人翼事國無

災患

家人 姊妹本居與類相扶願慕群醜不離其友

睽 邾鄆友言父兄生患涉此憂恨卒死不還

蹇 三人逐兔各爭其得愛妾善走多獲其子

解 北辰紫宮衣冠立中舍和建德常受天福坤之觀

損 拜跪請免不得其哺俛首銜枚低頭北去

益 鶴盜我珠逃於東隅求我郭墟不見所居

夬 一簧兩舌妄言謀訣三姦成虎曾母投杼

姤 伯虎仲能德義洵美使布五谷陰陽順序一作孤獨特處

勞苦使布五
谷陰陽順序

萃 褰衣涉河澗流浚多賴遇舟于濟脫無它

升 馮河登山道路阻難求事少便

困 兔置之容不失其恭和謙致樂君子攸同

井 三女求夫伺候山隅不見復關泣涕連汝

革 螟蟲為賊害我五穀算筭空虛家無所食需之

鼎 望尚阿衡太宰國公藩屏輔弼福祿來同

坤

震 三年生狗以成戌母荆夷上侵姬伯出走需之始
艮 塗回道塞求事不得

漸 探懷得蚤所原失道一本下有無好

歸妹 飛蟻遇道趾多攪垣居之不安覆厭為患

豐 義不勝情以欲自傾幾危利寵折角摧頸

旅 潼瀨蔚蒼扶首來會津液下降流潦滂霈

巽 白駒生芻倚倚盛姝赫誼君子樂以忘憂

兌 車馳人趨卷甲相仇齊魯寇戰敗於大丘

渙 舉首望城不見子直使我悔生

節 龍鬪時門失理傷賢內畔生賊則生禍難

中孚 安如泰山祿祐屢臻雖有豹虎不敢危身

小過 初喜後喜與福為市八佾列陳飲御嘉友訟之

既濟 持刀操肉對酒不食夫行從軍少子入獄抱膝獨宿

未濟 陰衰老極陽建其德獲難戴光天下照明功業不長蝦蟆

代王否之无臨

屯之第三

屯 兵征大宛北出玉關與胡寇戰平城道西七日絕糧身幾不全

乾 汎汎栢舟流行不行耿耿寤寐心懷大憂仁不逢時復隱窮居

坤 採薪得麟大命隕顛豪雄爭名天下四方豫之

蒙 山崩谷絕大福盡竭涇渭失紀玉曆盡已

需 夏室姜里文王所厄鬼侯輸賄商王解合

訟 泥津汗辱棄捐溝瀆所共笑哭終不顯錄

師 李梅冬實國多盜賊擾亂並作君不得息詞人

比 獐鹿逐牧飽歸其居反還次舍無有疾故諷之

小畜 夾河為婚期至無船搖心失望不見所歡

履 百足俱行相輔為強三聖翼事主室寵光死比之

泰 坐位失處不能自居 陰陽顛倒

否 登几上輿駕駟南遊合從散橫燕秦以強

同人 三系 弩無益於輔域弱不守郭君受討

大有 河伯大呼津不得渡船空無人往來亦難

謙 甘露醴泉太平機關仁德感應歲樂民安師之

豫 重茵厚席循高採藿雖躡不懼後反其處又云 儀隨高林 不踐手足保我

玉環 其室

隨 太乙駕騶從天上來徵我叔季封為魯侯無有凶憂需之

壯大

蠱 南已大安石斛戟天不指不已已老復一將耄乃嫁墟弊

室舊更為新家

臨 家給人足頌聲並作之時宿伏干戈鞞閣一作 觀卦

觀 東隣嫁女為王妃后莊公築館以尊主母歸于京師季姜

悅喜一作臨卦 否之既濟

噬嗑 陳媯敬仲北與齊姜營丘是適八世大昌始之 始

賁 路多枳棘步刺我足不利旅客為心作毒損卦

剝 天官列宿五神室屋空門完堅君安其居

復 牧羊稻園聞虎呻喧懼畏惕息終免禍患節之

無妄 鳴條之災北奔大胡左衽為長國號匈奴主君旄頭立尊

單于

屯

大畜尅身潔已逢禹巡狩錫我玄珪拜受錫佑
頤冬華不實國多盜賊疾病難醫鬼哭其室
大過襄送季女至于蕩道齊子旦夕留連久處
坎朽根倒樹花葉落去卒逢人火燄隨風偃仆
離陰變爲陽文化作男治道得通君臣相承
咸炎絕續光光滅復明簡易理得仍成乾功
恒多載重負捐棄于野王母誰子但自勞苦
遯江河海澤衆利安宅可以富有飲御嘉客
大壯冬採薇蘭地凍堅難利走 比暮無所得
晉 烏鵲嘻嘻天火將起燔我室屋災及死后
明夷蠱室蜂戶螫我手足不可進取爲身害咎緩之
家人雀鬼北獄天神貴客温仁正直主布恩德開衣不已蒙受

大福

睽伯蹇叔首莫與守牧失我衣裘代已除服
蹇爲季求婦家在東海水長無船不見欣歡
解山陵丘墓鬼鬼失舍精神盡竭長寢不覺
損騎牛失角下山傷軸失其利祿過在誰孰
益水戴船舟無根以浮往來溶溶心勞且憂
夬有鳥來飛集于宮樹鳴聲可惡主將出去
姤東徙不時觸患離憂并泥無濡思叔舊屣
萃黃帝所生伏羲之宇兵刃不至利以屣止履之家
升東山拯亂處婦思夫勞我君子役使休止
困跛躓未起失利後市不得鹿子
井大蛇當路使我畏懼湯火之災切近我膚賴其天幸趨於

主廬損之

革 從容長閑遊戲南山拜辭祀神神使免患一作震卦

鼎 區脫康居慕仁入朝湛露之歡三爵畢因復歸野廬與母

相侯

震 龜鼈列市河海饒有長財善賈商季悅喜一作革卦

艮 年常蒙慶今歲受福二伏採芭出君有得

漸 二人俱東道路爭訟意乖不同使我凶凶

歸妹 樹栽藿豆為鹿兔食君不慎護秋無收入

豐 黃鳥悲鳴愁不見星困於鷲鷗使我心驚

旅 雙鳧俱飛欲歸稻池經涉荏澤為矢所射傷我凶臆語之

巽 父客無休思歸故鄉霖雨盛溢道未得通

兌 道路僻除南至東瀛衛子善辭使國無憂

渙 同枕共袍中年分去價少無利獨居愁思

節 衆神集衆相與議語南國虐亂百姓愁苦興師征討更立

賢主小畜之豫

中孚 北陸閉壑隱伏不出目盲耳聾道路不通

小過 痴狂妄作心誑善惑迷行失路不知南北

既濟 棟隆輔強寵貴日光福善並作樂以高明

未濟 受我嬰女牽衣不與翼幸高貴反曰賤下

蒙之第四

蒙 何草木黃至未盡玄室家分離悲愁於心

乾 海為水王聰聖且明百流歸德無有畔逆常饒優足損之

坤 天之所佑禍不過家左輔右弼金玉滿匱常盈不亡富如

駁倉

蒙

屯 安息康居異國穹廬非吾習俗使我心憂
需 范公陶夷善賈飾資東之營丘易字子皮把珠載金多福

利婦

訟 老楊日衰條多枯枝爵級不造遂乃摧墮疎之

師 小狐渡水汗濡其尾科得其幾與道合符

比 豕生如魴鼠舞庭堂雄俟施姜上下昏荒君失其邦

小畜 天地配亨六位光明陰陽順序以成厥功訟之

履 蹀躞足傷右指病癰失旅後時利不走歸

泰 思体同恩各有所屬西隣孤媪欲寄我室主母罵豎求子

不得

否 操鉅鄉畝祈貸糶黍飲食充口安和無咎

同人 新受大喜福祿重來樂且日富蒙惠得財

大有 舉盃飲酒指宜失取無益溫寒亡利不懼

謙 日月相望光明盛昌三聖茂承功德大隆師之節 否之賁

豫 猾夫爭強民去其鄉公孫叔子戰於城南

隨 猿墮高木不踐手足保我全至還婦其室否之臨 蠱之豫

蠱 逐狐東山水遇我前深不可涉失利後便

臨 繫弄求玉非下氏寶名困身屨勞無所得

觀 黃玉溫德君子所服甘露溽暑萬物生茂

噬嗑 畫龍頭頸文章不成甘言美語說辭無名

賁 招禍致凶來弊我邦病在手足不得安息

剝 履位束勢羸有絕斃贊為隸圖與衆庶伍

復 獐鹿雉兔羣聚東圃盧黃白脊俱往追逐九辭十得君子

有喜

蒙

無妄織金未成緯盡無名長子遂免鹿失先路見利不得

大畜天厭周德命與仁國以禮靖民兵革休息

願重譯買芝來除我憂善說遂良與善相求

大過膏澤肥壤人民安樂宜利俱止長安富有

以白龍黑虎起鬚暴怒戰於阪泉蚩尤敗走居止不殆君安

其所詞人此

離抱關傳言鼙鼓摧筋破賊無災不安其所

咸憂禍解除喜至惠來坐立歡門與樂為鄰小畜

恒折鋒載及與馬放休狩軍褒營天下安寧

遯至德之君仁政且溫伊呂股肱國富長安

大壯千里望城不見青山老兔蝦蟆遠絕無家

晉有莘季女為夏妃后賈夫壽子母于四海

明夷不虞之患禍至無門奄忽暴卒痛傷我心

家人飛鷹退去不食雞雞憂患心解君主安居

睽蹉蹉側跌申酉為崇亥戌滅明頽子隱藏

蹇司錄憑怒謀議無道商民失政殷人之祀

解望鷄得雛求馬獲駒大德生少有廖從居

損切切恒恒如將不活黍稷之恩靈輒以存獲生保年

益莫莫輯輯夜作書匿謀議我資來攻我室空盡我財幾無

我食

夬天之所壞不可強支衆口遭笑雖貴必危

姤日動頰睨喜來加身舉家蒙歡吉利無殃

萃龍羹芬香染指拂裳口飢打手公子恨讒

升天福所豐兆知飛龍成予得志六二已興

蒙

困 氓伯以婚抱布自媒棄禮急情卒惟悔憂

井 夏姒親附心聽悅喜利以博取無言不許

革 南山旻天刺政閔身疾悲無辜背憎為仇良一作

鼎 三人為旅俱歸北海入門上堂拜謁王母勞賜我酒

震 陽淫旱病傷害稼穡喪刈病來農人無食井一作

艮 攫飯把肉以就口食所往必得無有虛乏革一作

漸 鳥飛無翼兔走折足雖欲會同 得已惑

歸妹 体重飛難不得踰關行坐憂愁不離室垣

豐 四雄並處人民愁苦擁兵東西不得安所

旅 譚重開牢求解已惠念感乃成與善俱居

巽 患解憂除王母相於與喜俱來使我安居

允 冬生不花老女無家霜冷蓬室競為枯株

渙 震慄恐懼多所畏惡行道留難不可以涉

節 三夫共妻莫適為雌子無名氏翁不可知

中孚 阜凋被霜花葉不長非時為 家受其殃

小過 雉兔之東狼虎所食貪叨凶惡不可止息

既濟 馬驚破車王墮深溝身死魂去離其室廬

未濟 山林麓藪兆人所 鳥獸無禮使我心苦

需之第五

需 久旱三年草木不生桑盛空乏無以供靈

乾 火滅復息君明其德仁人可遇身受利祿

坤 温山松栢常茂不落鸞凰所庇得其歡樂恬之

屯 四誅不服恃強負力倍道趨敵師徒敗覆隘之

蒙 三塗五岳陽城大室神明之保獨無丘革

需

訟 三牛生狗以成其母荆夷上侵姬伯出走坤之震
師 鳧遊江海沒行千里以為死亡復見空桑長生樂鄉
北 太乙駕騶從天上來徵君叔季封為魯侯無有凶憂隨之

世大

小畜任宿獨居寡處無夫陰陽失志為人僕使

履 兵征大宛北出玉門與胡寇戰平城道西七日絕糧身幾

不全與屯

泰 楚靈暴虐能及民力禱起乾溪棄疾作毒扶杖奔逃身死

亥室

否 雌單獨居歸其本巢毛羽憔悴志如死灰

同人兩予相刺勇力鈎敵交接結和不破不缺交緩名也

大有乘船渡濟載水逢火賴幸免禍蒙我生全

謙 喪寵益尤政傾家覆我宗失國秦滅周室

豫 冬無藏兵春旺不通陰流為賊國被其殃

隨 田鼠野雞意當欲逃拘制籠檻不得動搖

蠱 佩玉藻兮無所繫之旨酒一盛莫與笑語孤寡獨特常愁

憂苦

臨 沒游源口求鮫為室室家危台懼復出生道

觀 河水孔穴壞敗我室水深無岸魚鱉傾倒

噬嗑教羊牧免使魚捕鼠任非其人費日無功

賁 升戶入室就溫暖食冰凍北陸寒不得賊

剝 孤竹之墟失婦亡夫傷於蒺藜不見少妻東郭堂姜武氏

破亡乾之

復 凶禍災殃日益明彰福不可釐三郤夷傷

需

無妄載璧秉珪請命于河周公尅敏冲人瘳愈
大畜鳥飛鵲舉照臨東海龍降庭堅為陶叔後圭析英雄履福

綏厚 謙之

頤 危坐至暮請求不得膏澤不降政戾民惑

大過宜昌娶媼東家歌舞宴樂有緒長安嘉喜

坎 鑿井求玉非卞氏寶名困身辱勞無所得蒙之

離 鵠思其雄欲隨鳳東順理羽翼出次日中須留此邑復反

其室

咸 早霜晚雪傷害禾麥損功棄力飢無所食遯之

恒 蝠螺生子深自黑醜雖飾相就眾人莫取

遯 去如飛鴻避凶直東遂得全脫與福相逢

大壯婚姻合配同枕共牢以降休嘉子孫封侯

晉 咸陽辰巳長安戌亥丘陵生止非魚鱸市不可避阻終無

悔咎

明夷螟蚩為賊害我五穀簞筥空虛家無所食鞞之

家人謀恩拜德東歸吾國慷慨宴笑歡樂有福

睽 齋具贖狸不聽我辭係於虎鬚牽不得來鞞之

蹇 比目附翼歡樂相得行止集同終不離或

解 一指食肉口無所得染其鼎鼐古饒於腹

損 曳綸江海釣掛魴鯉公孫得利以享仲友

益 商紂牧野顛敗所在賦斂重數黎元愁苦

夬 北辰紫宮衣冠立中含和達德常受天福觀之

姤 輕戰尚勇不知兵權為敵所制征師北奔

萃 大口宣舌神使伸言黃龍景星出應德門興福上堂天下

需

安昌大有

升 凶子禍孫把劍向門凶訟觀置驚駭我家爭訟

困 祝伯善言能事鬼神辭祈萬歲使君延平

井 珪璧琮璋執贄見王百里審威應聘齊秦詔

莘 昧且乘車履危蹈溝亡失裙襦摧折兩軸

鼎 膠着木通不出牛欄斯鄉養羊家室相安

震 卷舌遁世仁德不舎三聖攸同周家茂興

艮 黍稷禾稼垂秀方造中旱不雨傷風枯槁

漸 冠帶南遊與福喜期邀於嘉徵拜為公卿

歸妹 一巢九子回公共母柔順利貞出入不殆福祿所在

豐 韓氏長女嫁於東海多貌美好宜家富壽利得十倍

旅 因禍受福喜盈我室先人後已所願必得

巽 晉平有疾迎醫秦國病乃大怒分為兩豎逃匿盲上伏於

膏下和不能愈

允 豺飛門啓患憂大解脩福行善不為身禍同人

渙 追亡逐北呼還雅叔至止而得反其室廬

節 鳥鳴旣端一呼三顛動搖東西危慄不安疾病無患

中孚 龍化為虎泰山之陽衆多從者莫敢救藏

小過 炎風忽起車馳竭竭棄名追亡失其和節憂心惛惛

既濟 遊居石門祿安身全受福西隣歸飲玉泉

未濟 登高上山見王自言申理我究得職蒙恩辭未

訟之第六

訟 文巧俗弊將反大質僵死如麻流血漂楸皆知其母不識

其父干戈乃止

乾 文王四乳仁愛篤厚子畜平男無有天折
坤 日入望車不見于家長女無夫左手搔頭
屯 東上泰山見堯自言申理我冤以解憂患
蒙 奎軫温湯過角宿房宣時布和無所不通
需 引鬣牽鬚雖懼無憂主母善禱禍不成災
師 鳧得水沒喜笑自啄毛羽悅澤利以攻王公出不復栢氏
容宿
比 水流趨下欲至東海求我所有買魴與鯉 止
小畜 撞鹿逐牧安飽其居反還次舍無乃疾故屯之
履 樹植藿豆不得芸鋤王事靡盬秋無人收
泰 弱水之西有西王母生不知老與天相保行若危殆利居
善喜

否 數窮窮落困於歷室幸登玉堂與堯侑食

同人 子鉏執麟春秋作陰元聖將終尼父悲心

大有 尹氏伯奇父子生離無非被辜長舌所為

謙 播木折枝與母別離九章難和絕不相知

豫 眇雞無距與鵲格鬪鉗折目盲為鳩所傷復歸野廬與母

相扶

隨 甲乙丙丁俱歸我庭三丑六子入門見母

蠱 桑葉螟蠹衣弊如絡女工不成絲布為玉

臨 開牢闢門巡狩釋冤夏臺姜里商文悅喜

觀 欽明之德坐前玉食必保嘉善長受安福

噬嗑 武夫司空多口爭訟金火當戶民不安處年飢無有

賁 紫闕九重尊嚴在中黃帝堯舜復行至公冠帶垂衣天下

訟

卷之二

一

康寧

剥 負牛上山力少行難烈風雨雪遮逼我前中道復還憂者

日歡

復 褰兔缺唇行難齒寒口痛不言為身生患

無妄合体比翼喜耦相得與君同好使我有福

大畜憤憤不脫憂從中出喪我寶其亡妾失位

頤 兩心不同或從西東明論終日莫適我從

大過啞啞笑言與喜飲食長樂行觴千秋起舞拜受大福

坎 初憂後喜與福為市八佾列陳飲御諸友坤過之

離 西徙無家破其新事主孫失利不如止居

咸 鳳凰在左麒麟處右仁聖相遇伊呂集聚時無殃咎福為

我母

恒 區脫康居慕仁入朝淇露之歡三爵畢恩復歸舊廬否之

遯 疾貧望幸使伯行販賈販市井開牢擇羊喜得天祥

大壯 處高不傷雖危不亡握珠懷玉還歸其鄉

晉 右手棄酒左手收拌行逢禮御餌德玉杯

明夷 養虎牧狼還自賊傷大勇小捷雖危不亡

家人 戴堯扶禹松喬彭祖西遇王母道路夷易無敢難者巽師

離

睽 秋冬採巢不得鵲鷦銜指北去慙我少姬

蹇 兩羝三羊俱之我鄉留連多難損其食糧

解 南徙無慮鳥破其巢伐木思切不利動搖

損 爭訟不已更相牽擊張季弱口被髮北走

益 延頸望酒不入我口初喜後否利得無有履之

夫被髮傾走冠逐我後亡失刀兵身全不傷
姤麟鳳所遊安樂無憂

萃褰衣涉河水深請罷賴幸舟子濟脫無他

升憤憤不脫憂從中出喪我金璽無妄失位

困解跳不遠心與言反尼父妄行蒼莖未華

井大壯肥特惠我諸舅内外和睦不憂飢渴

革黃帝建元文德在身祿若陽春封為魯君

鼎虎聚磨牙以待豚猪往必傷亡宜待止居

傷成推敗無餘利以止居

震天地配享立位光明陰陽順序以成厥功天下和平蒙之

艮猿隊高木不踐手足保我金玉還歸其室蒙之履

漸營室紫宮堅不可攻明神達德君受大福

歸妹孤羽寡婦獨宿悲苦目張耳鳴無與笑語歸妹之履

豐低頭竊視有所畏避行者不至酒酸魚敗衆莫貪嗜

旅載金取徇利棄我走藏匿淵底悔折為咎

巽行觸大諱與司命忤執囚東繫拍制於吏憂人有喜剛

兌執玉歡喜佩之解變危詳及安使我無患

渙機杼騰擾女功不成長妹許嫁衣無襦袴聞禍不成凶惡

消去

節金人鐵鉅火燒左右雖懼不恐獨得全處

中孚謝恩拜德東崑吳國舞蹈歡躍恣樂受福

小過青牛白咽呼我俱田歷山之下可以多耕歲樂時節民人

安業

既濟白雉羣鳩暮德貢朝湛露之恩使我得懼

訟

未濟避患東西及入禍門糟糠不足憂愈我心

師之第七

師 鳥鳴呼子哺以酒脯高樓之處于來歸母齊人成功年歲
大有如婦無子

乾 一簧兩舌佞言諂語三姦成虎曾母投杼

坤 春桃生花季女宜家受福且多在師中吉男為邦君

屯 殊類異路心不相慕牝牛牡猴獨無室家

蒙 折葉蔽目不見稚叔三足孤鳥遠其元夫

需 雀東求粒誤入罔域賴逢君子脫復喘息

訟 王孫季子相與孝友明允篤誠升擢薦舉為國藩輔

比 削木無枝與子分離勉共莫食獨立哀悲

小畜 舜升大禹石夷之野徵明王闕拜治水上

履 義不勝情以欲自營見利危寵滅君令名

泰 三人北行六位光明道途迂淑女與我驥子

否 羿張烏號殼射天狼柱國雄勇闔死滎陽

同人 李姬踟躕結衿待時終日至暮百兩不來

大有 鴻鴈翩翩始若勞苦災疫病民鰥寡愁憂

謙 穿曾狗邦僵離旁春天地易紀日月更始

豫 北山有棗使叔壽考東嶺多栗宜行賈市陸梁雌雄所至

利喜

隨 干旌旌旗執幟在郊雖有寶珠无路致之

蠱 精潔淵塞為讒所言證訊詰請繫於枳温甘棠聽斷怡然

蒙恩

臨 玄黃虺隤行者勞罷役夫憔悴踰時不歸

觀 膚敏之德發憤忘食虜豹禽說為王求福以成主德儻
噬嗑采唐沫鄉要我桑中失信不會憂患約帶
賁 伯寧子福惠我邦國蠲除苛殘使季無患
剝 讒父佞雄賊亂邦國生離忠孝敗困不福
復 淵泉隄防水道通利順注湖海邦國富有
無妄江南多蝮螫我手足寃繁詰屈痛徹心腹
大畜三人俱行別離獨宿一身五心反覆迷惑亂無所得
頤 鷺鳴庭中以戒災凶重門擊柝備不速客
大過功成事就拱手安居立德有言坐飭貢賦
坎 國亂不安兵革為患掠我妻子家中飢寒
離 戴堯扶禹從喬彭祖西遇王母道路夷易無敢難者
咸 長尾委蛇畫地成河深不可涉絕無以比惆然噴思

恒 乘龍從蛻微詣北闕乃見宣室拜守東城鎮慰黎元舉家

蒙福

遯 土與山連終身無患天地高明萬歲長安
大壯 久旱水涸枯槁無澤虛修其德未有所獲
晉 依山倚地凶危不至上清下降君受其利
明夷 火烈不去必殪僵仆燔我衣裾福不可悔
家人 配合相迎利之四卿欣喜興釋所言得當
睽 清人高子久屯外野道遙不歸思我慈母
蹇 武庫軍府甲兵所聚非里邑居不可舍止
解 王德五材和合四時陰陽順序國無外災
損 解衣毛羽飛入大都晨門戒守鄭忽失家
益 削根燒株不生肌膚病在心腹日以焦枯

夫文山紫芝雍梁朱草生長和氣福祿來處

始多載重負指弃于野小任其大但自勞苦

萃鳥雁啞啞以水為家雌雄相和心志娛樂得其歡欲

升耳目盲聾所言不通佇立以泣事無成功

困天宮列宿五神所舍宮闕堅固君安其居

井范子妙材戮辱傷膚然後相國封為應侯

革秋冬採巢不得鵲雛街指北去慙我少夫

鼎子畏於匡厄困陳蔡德行不危竟脫厄害

震鴻飛在陸公出不復仲氏往只伯氏客宿

艮鶴鳴九臯避世隱居抱朴守真竟不相隨

漸舜升大禹石夷之野徵諸王闕拜治水士軌之中過

歸妹左輔右弼金玉滿匱常盈不亡富如敷倉與蒙之坤

豐崔嵬北岳天神貴客衣冠不已蒙被恩德

旅空槽注猪狷豨不到張弓視雞雄鳩飛去

巽胡蠻戎狄大陰所積涸水凍寒君子不存

兌甘露醴泉太平機關仁德感應歲樂民安謙之

渙惡來呼伯煩驚外客中守閉宅以備凶黠臨折之憂將滅

無災

節日月相望光明盛昌三聖茂功仁德大隆蒙之謙

中孚葛藟蒙棘花不得實讒佞亂政使恩壅塞

小過鄰不我顧面壘玉女身多癩疾誰肯頰者

既濟精誠所在神為之輔德教尚中彌世長久三聖與為多受

福祉

未濟鑽木取火掘地索泉主母飢渴子為心福

師

易林

二二

比之第八

比 鹿得美草嗚呼其友九族和睦不憂飢乏同人愷

乾 繼祖復宗追用成康光照萬國享世久長

坤 麟子鳳雛生長嘉國和氣所居康樂無憂邦多哲人

屯 灼灼泉源釣鯉山顛魚不可得火不肯燃小畜

蒙 彭生為吳白虎行菑盜堯衣裳桀跖荷兵青禽照夜三日

夷傷

需 黍稷醇醴敬奉山宗神嗜飲食甘雨嘉降黎庶蕃殖獨蒙

福祉時災不至

訟 李花再實鴻卵降集仁哲權輿蔭國受福豫之小畜

師 千歲之墟大國所箸不見于都城空無家

小畜公子王孫把彈揖丸發輒有得室家饒足

履 驪姬讒嬉與二嬖謀譖殺公子賊害忠孝申生以縊重耳

奔走

泰 長生無極子孫千億栢柱載梁堅固不傾

否 失意懷憂如幽狴牢亡子喪夫附托寄居

同人 仁智隱伏麟不可得龍蛇潛藏虛居堂室

大有 列潔堞堞締結難解媼母銜嫁媒不得坐自為身禍

謙 鳥飛墜木不毀頭足保我羽翼復歸其室

豫 陳媯敬仲兆興齊姜乃適營丘八世大昌姤之師屯

隨 過時不歸雌雄苦悲徘徊外國與母分離

蠱 齊魯爭言戰於龍門構怨連禍三世不寧坤之在離同

臨 府藏之富王以賑貸捕魚河海苟願多得損之益

觀 鳴鶴北飛下就稻池鱸鮪鯉鯉衆多饒有一苟獲兩利得

過倍

嗷嗷蒼梧鬱林道易利通元龜象齒寶貝南金為吾歸功
賁 兩火爭明雖聞不傷分離且忍全我弟兄

剝 作夷叔齊貞廉之師以德防患憂禍不存泰之乾

後 季去我東髮櫛如蓬展轉空牀內懷憂傷一本作賁辭

無妄百足俱行相輔為強三聖翼事主室寵光

大畜擁遏隄防水不得行火盛陽光陰蜺伏藏退還其鄉

頤 騰蛇乘龍歲飢蓬蓬年歲飢凶民食草蓬

大過鉛刀攻玉堅不可得盡我筋力眠繭為疾坤之豫

坎 恒山浦 高邑 在陰氣不淋洪水弗處牢人開戶

離 比目四翼來安我國福善上堂與我同牀損之隨同

咸 杜口結舌心中怫鬱去留患生莫所告究否之巽

恒 牽尾不前逆理失臣惠朔以奔

遯 早霜晚雪傷害禾麥損功棄力飢無所食需之咸

大壯適戍失期患生無聊懼以發憂開藏閉塞邦國窮愁

晉 昊天白日照臨我國萬民康樂咸賴嘉福

明夷元吉无咎安寧不殆

家人懿公淺愚不深受諫無援失國為狄所賊

睽 城上有烏自號破家呼喚鴆毒為國患災

蹇 長股喜走趨步千里王良嘉喜伯樂在道申生見母下有

由子

解 耕石山顛費種家貧無聊虛作苗髮不生

損 二人異路東趨西步千里之行不相知處

益 純服素裳載主以興德義茂生天下歸仁

夫五銳鐵頭倉庫空虛賈市為盈與利為仇

姤登崑崙入天門過糟丘宿玉泉門惠觀見仁君

萃團團白日為月所食損上毀下鄭昭出走

升倉盈庾億宜稼黍稷年豐歲熟國家富有坤之恒師

困虎狼結謀相聚為保思嚼牛羊道絕不通傷我商人

井中年摧折常恐不活老賴福慶光榮相輔

革同載共車中道分去喪我元夫獨與孤苦隨之比

鼎飲酒醉酗距跳爭鬪伯傷叔僵東家治喪

震出值凶災逢五赤頭跳言無祐扶杖伏聽不敢動搖

艮狼虎爭強禮義不行兼吞其國齊魯無王之隨

漸南國少子方畧美好求我長女賤薄不與反得醜惡後乃

不悔泰之

婦妹一身兩頭莫通其軀無見我心亂不可治

豐李耳橐鵲更逢恐惜擾余以腹不能舉格

旅栢桂棟梁相輔為強入敷五教王室寧康

巽雀行求食暮端呼乳友其屋室安寧如故

兌四尾六頭為凶作妖陰不奉陽上失其明

渙一旅三關結緝不便岐道異路日暮不到

節牙蘗生齒室堂啓戶幽人利貞鼓翼起舞

中孚春鴻飛東以馬貨金利得十倍重載歸鄉

小過歡悅以喜子孫俱在守強能忍不見殃咎

既濟精神消落形骸醜惡齟齬頓挫枯槁腐靈

未濟登高上山見王自言申理我饒得職蒙恩

小畜第九

畜

小畜白鳥銜餌鳴呼其子施披張翅來從其母伯仲季叔元賀
舉手

乾 東遇虎蛇牛馬奔驚道絕不通商困無功

坤 子鉏獲麟庶士開元豪雄爭名都邑倍遊

屯 灼火泉源釣魚山顛魚不可得火不肯燃此之

蒙 機關不便不能出言精誠不通為人所冤

需 故室舊廬稍蔽絃沮不如新巢可治樂居

訟 蛟蛇循流東求大魚預且舉網庖人歌謳

師 鑿山通道南至嘉國周公所祝襄適荆楚

比 鵲足却縮不見頭目日久困急不能自復

履 五舌啄難各自有言異國殊俗使心迷惑所求不得

泰 天門開闢牢戶寥廓桎梏解脫拘困縱釋

否 堅冰黃鳥啼哀悲愁數驚鷺鷥飄為我憂

同人 日走月步趣不同舍夫妻反目主君失居

大有 金牙鐵齒西王母子無有患殃候舍陞道別來不久

謙 式微式微憂禍相絆隔以岩山室家分散

豫 衆神集聚相與議語南國虐亂百姓勞苦興師征伐別立

賢主

隨 虎狼爭食禮讓不能兼吞其國齊晉無主此之

蠱 寄生無根如過浮雲本立不固斯須落去更為枯樹

臨 子啼索哺母行取食反見空巢紫弋長息

觀 駕駟逐狐輪掛荆棘車不結轍公子無得

噬嗑 方啄廣口仁智聖厚釋解倒懸唐國大安

賁 駕福乘喜東至嘉國戴慶南行移居安宅

小畜

剥 孔鯉伯魚北至高奴木馬金車駕遊大都王母送我來牝

特駒

復 三足無頭不知所之心狂精傷莫使為明不見日光

無妄駮牝龍身目越三千南上蒼梧與福為婚道里夷易安全

無患

大畜辰次降婁王駕巡狩廣佑施惠國安無憂望季不來

頤 望車不到王子逐走馬騎啣傷失迹不得昌其有常

大過中原有菽以待養食飲御諸友所求大得

坎 亂茅縮酒靈巫拜禱神怒不許瘁 愁苦

離 李華再實鴻卵降集仁哲以興蔭國受福比之小過 訟豫

咸 原出陵足行於山趾不為暴堂民得安居

恒 客入其門奔走東西童女不織土棄耕畝暴骨千里歲飢

民苦

遯 天之所予福祿常在不憂危殆

大壯蝗食我稻驅不可去實種無有但見空槁

晉 牛騎同堂郭氏以亡國破空虛君奔走逃

明夷狗無前足陰謀其比為身賊害何以安息

家人兩輪自轉南上大阪四馬共轅無有重難與禹笑言

睽 茅蘗生達陽昌於外左手執簋公言錫爵

蹇 秋花冬萼數被嚴霜甲兵當廷萬物不生雄火夜明民擾

大驚

解 霜降閉戶蟄虫隱處不見日月與死為伍坤之

損 身載百里功加四海為文開基武立天柱

益 禹作神鼎伯益銜指斧斤高閣幢立獨坐賣買不售離困

小畜

為害

夫福祚之聚喜至憂除如魚逢水長樂受庇

姤蒼龍隱伏麟鳳遠匿寇同處未得安息

萃白鶴啣珠夜食待明懷胡德音身受光榮

升朝生夕死名曰嬰鬼不可得祀

困行役未已新事復起姬姜勞苦不得安息

井憂患解除喜至慶來坐立懽忻與樂為隣矇之

革晨風天翰大舉就温昧過我邑弄無所得

鼎下田種黍芳花當齒大雨淋漓集紛榮滿壅淋集一作淋集

震鳥庇茂林君子碌碌心樂願得見者有穀

艮拆臂踈足不能進酒祠祀闊曠神怒不喜

漸學靈三年仁聖且神明見善祥吉喜福慶鳴鳩飛來告我

無憂一作鹿鳴鴻飛鳴見善祥

歸妹三婦同夫志不相思心懷不平至常愁悲

豐中田高黍以享王母受福千億所求大得

旅陽火不憂二耕喜至慶來降福為我鼓瑟歌謠送喜

兌陽明不息君無恩德伯氏失利民喪其力

巽燕雀銜茅以生乎乳兄弟六人交好孝悌各得其願和悅

相樂

渙鶉尾奔奔火中戍軍號叔出奔下失其君

節兩人相距止不同舍夫妻離散衛侯失居

中孚駮為蓄虐風吹雲却欲止不得反歸其宅

小過關雎淑女配我君子少姜在門君子嘉喜

既濟慈母赤子饗賜得土夷狄服降以安王室

小畜

未濟三足狐鳴靈鳴督卸思過罰惡自賊其家

履之第十

履 十鳥俱飛羿射九雌雄得獨全雖驚不危
乾 東向蕃垣相與笑言子般執鞭樂人作歡
坤 循河榜舟旁淮東遊漁父舉網先得大魚
屯 轅折輪破馬倚僕卧後旅失宿右足跌踈
蒙 兩人相伴相與恃戾心乖不同訟爭凶凶
需 北辰紫宮衣冠在中含和建德常受天福需之觀
訟 遊居石門祿祉安全受福西隣歸飲玉泉需之觀
師 羊腸九縈相推併前止須王孫乃能上天
比 爭訟相倍和氣不處陰陽俱否穀風母子
小畜郭叔矩願為棘所拘童顏重顏禍不成歿復歸其鄉

泰 萬室蜂戶螫我手足不得進止為吾害外明夷

否 怒非其然因物有遷貪如腐鼠而呼鴉鴛自合失餌到被

困患

同人嬰孩求乳母歸其子黃鹿悅喜

大有鍼錢 錦綉不成鷹還雉兔瓜折不得

謙 雨潦集降河渠不通齊魯閉塞破費市空

豫 封豕溝瀆水潦空谷客止宿舍泥塗至腹處無黍稷

隨 三姦相擾桀跖為友上下騷離隔絕天道

蠱 齊景惑疑為孺子午嫡庶不明賊孽為患

臨 三羊俱亡奔走南行會暮失跡不知其藏

觀 請伯行賈岱山之野犯歷險阻不逢危殆利如澆酒

噬嗑桑方將落殞其黃葉失勢傾側而無所立

履

賁 上山求魚入水捕兔市非其歸自令久留

剝 名成德就項頌不試景公耄老尼父逝去否之

復 天之奧隅堯舜所居可以存身保我邦國

無妄涉伯殉名棄禮誅身成子奔燕十頌

大畜兩人俱爭莫能有定心乖不同訟言起凶

頤 睢鳩淑女聖賢配耦宜家受福吉善長久一作之

太過踰河求橘并得大栗烹羊食炙飯酒歌笑

坎 山險難行礮中多石車馳頻擊重載折軸擔負喜躑踖踖

右足謙之

離 允利孔福神所子畜般樂無苦得其歡欲

咸 鳥鵲食谷張口受哺蒙被恩福長六成就柔順利貞君臣

合德

恒 潼瀉蔚蒼膚寸來會津液下降流潦滂沛

遯 路多積棘步刺我足不利旅容為心作毒損卦

大壯虺蛇求聚難以居處毒螫痛甚瘡不可愈

晉 麟鳳相隨察觀安危東國聖人后稷周公君子攸同利以

居止長無災凶

明夷桀亂不時使民恨憂六社為笑君危臣羞

家人黃帝所生伏羲之宇兵刀不至利以居止屯之

睽 雀行求粒暮歸屋孺及其室舍安寧如故屯之

蹇 太倉積谷天下饒食陰陽調和年歲時熟

解 干旌旗旌執幟在郊雖有寶珠無路致之師之隨豫

損 履危蹈顛墜入泉淵蹇不能前足矮不便

益 啣命上車合和兩家蛾眉皓齒二國不殆

夬 吉日車攻田弋獲禽宣王飲酒以告家功

姤 金帛貴寶宜與我市嫁取有恩得利過倍

萃 延頸望酒不入我口深以自喜利得無有益訟之

升 牧為代守饗養甘賜得利士意戰大破胡長安國家

困 日出温谷照臨萬國高明淑人虞夏配德

井 逐兔索鳥破我弓車日暮不及失利後時

革 譎言妄語傳相誑誤道左失迹不知戶處

鼎 履虎躡尾貶損我威君子失否去其國家

震 本根不固新花落去更為孤嫗不得相視

艮 五輓四國優得饒有陳力就列騶虞悅喜

漸 黃帝紫雲聖哲且神光明見祥告我无殃

歸 妹五利四福俱田高邑黍稷盛茂多獲稟稱

豐 羣虎入邑求索肉食大人衛守君不失國

旅 鳥子鵠雛常與母居願慕羣旅不育其巢

巽 寒驢不材駁驢失時筋勞力盡疲於沙丘

兌 玄鬣黑額東歸高鄉朱鳥導引靈龜載莊遂抵天門見我

貞君人馬安全

渙 探巢得雛鳩鵲俱來使我欣娛

節 安上宜官一日九遷升擢超等牧養常山

中 孚大頭明目載受嘉福三雀飛來與隸相得

小 過遠視千里不見黑子離婁明視移於小人明一作離婁之無益為光

既 濟三女成姦背夫夜行與伯笑言不忍主母為失醴酒寃天

誰告

未 濟日辰不良強弱相振一鳥兩雄客勝主人

泰之第十一

泰有求陳國留連東域須我王孫四月來復主君有德蒙恩受福

乾 伯夷叔齊貞廉之所以德防患憂禍不存此之

坤 濟深難渡濡我衣袴五子善擢脫無他故他字

屯 倚立相望適我道通驅駕奔馳比目同床

蒙 葛藟蒙棘華不得實讒佞為政使恩雍塞師之中孚

需 四並兼用君子所服南征述職與福同德

訟 蹀踵足傷大指病癱失旅後時利走不來旅下旅失

師 春城夏國長生之域可以服食保全家國

比 望驥不來拘蹇為憂雨驚我心風感我飢

小畜 又客無牀思歸我鄉雷雨浸及盈道不得通

履 方船備水傍河燃火積善有徵終身無禍天福吉昌求得

安康

否 陟岵望母役事不已王政靡盬不得相保

同人 人多載負重捐棄生野工母離子思勞自苦師之姤

大有 生值地乳上皇大喜賜我福祉壽筭無極眉于作命

謙 翕翕鞫鞫稍墜山顛滅我令名長沒不存否之

豫 東隣嫁女為王姤后莊公築館以尊王母歸于京師季姜

喜悅

隨 伯虎仲熊德義淵閑使布五教陰陽順序坤之

蠱 敏教勁疾如猿升木彤弓雖調終不能獲

臨 舉袂覆目不見日月衣裘簟席就長夜室坤之

觀 忍醜少羞無面有頭耗滅寡虛日以削酒

噬嗑固陰沍寒常冰不温令人墮念施火為災電火為番

貫 夏麥麩擊其亡疾君敗國使我天傷

剥 淵涸龍憂箕子為奴干叔隕命殷破其家

復 跛踦相隨日暮牛罷陵遲後旅失利亡雌

無妄桑方將落隕其黃葉失勢傾倒如無所立

大畜長生以時長杜根本陰陽相和歲樂無憂

頤 童女無室未有配合陰陽不和空坐獨宿

大過春令原宥仁德不周三聖攸同周國茂興

坎 金精耀怒帶劍過午兩虎相妬雖驚不咎

離 危坐至暮謀求不得膏澤不降政戾民忒

咸 老楊上衰脩多私枝爵級不進日下摧頽蒙之

恒 系侯適楚留連江湖踰日歷片忘其君

遯 右撫劍風左援勾帶凶訟不止相與爭戾失利市肆

大壯水流趨下遠至東海求我所有買鮪得鯉訟之

晉 登几上輿駕駟南遊合縱散衡燕秦治強

明夷求免得獐過其所望歡以相迎高位夷傷似取

家人過時不歸道遠且迷旅人心悲使我徘徊

睽 菟孤無室御宿舍食盜張民潰見敵失內

蹇 居如轉丸危不得安東西不寧動生憂患

解 坤厚地載庶物蕃息平康正直以綏百福

損 冽敝牡荆生賢止侮仇敵昔憎孰肯相迎上下有青

益 鳳凰銜書玄珪賜我封為晉侯

夬 作凶不善相牽入井溺陷辜罪禍生憂滋

姤 悲鳴北行失其長兄伯仲不幸骸骨敗亡

萃 羔衣豹裘高易我宇君子惟新

升 日中為市各抱所有交易貨賈含味懷寶心悅歡喜

困 振急絕理恒陽不雨物病焦乾華實無有

井 孤絡載剥凌温翠葢寒棘為疾何所不足

革 履踐危難脫執去患入福喜門見誨大君

鼎 四亂不安東西為患退止我足無出國城乃得全完賴其

生福

震 南國少子材畧美好求我長女賤薄不與反得醜惡後乃

大悔靴之

艮 妄怒失理陽孤無輔物病焦枯年飢於黍

漸 倬然遠咎辟害阜阜田獲三狐巨具為寶

歸 逐鹿出巔利去我西雖祁南北無所不得

豐 龍蛇所聚大水來處滑滑沛沛使我無賴

旅 從風吹火牽麒麟尾易為之功因推受福

巽 澤狗水鳥難畜少雛不為家饒心其亟逋

兌 水壞我里東流為海龜鳥鱗鱗不見慈母

渙 褰衣涉水深漬請罷賴辛舟者濟脫無他誌之

節 龜戰河海陸行不止自令枯槁失其都市憂害無咎

中孚 同本異葉樂仁正德東隣慕義來與我國

小過 桃李花實蠱蠱百息長大成熟甘美可食為我利福

既濟 重瞳四乳聰明順理無隱不形微視千里災害不作君子

集聚

未濟 實沈墟以義討尤次止結盟以成霸功

否之第十二

否 秦為狼虎與晉爭強并吞其國號曰始皇

乾 江河淮濟天之奧府衆利所聚可以饒有樂我君子謙之

坤 天之所災凶不可居轉徙獲福留止憂危

屯 名成德就項領不試景公耄老尾父逝去離之

蒙 持善避惡福祿常存雖有豺虎不能危患

需 避患東西反入禍門糠糟不足憂動我心訟之

訟 珪璧琮璋執贄見王百里甯戚應聘齊秦需之

師 揚水潛鑿使石潔白衣素表朱戲遊臯沃得君所願心志

娛樂

比 官爵相保居之無咎求免不得使伯恨悔

小畜 載 無禪裸裎出門小兒作笑君子憂患

復 把珠入口為我利寶得吾所有欣然嘉喜

泰 行不如止直不可曲進不如退可以安吉

同人 衆鬼在聚中有大怪九身無頭翦鬣鬼夫不可以居

大有 有家給人足頌聲並作四夷賓服干戈盡閣

謙 人面鬼口長舌如斧斲破瑚璉殷商絕祀

豫 南山之峻真人所在德配唐虞天命為子保佑飲享身受

大慶

隨 春桃生花季女宜家受福多年男為邦君坤之

蠱 鴟鴞破斧冲人危殆賴其忠德轉禍為福傾危復立

臨 猿墮高木不踐手足保我金玉還歸其室蒙之

觀 天之奧隅堯舜所居可以存身保我邦家復之

噬嗑 伯蹇叔肯足痛難行終日至暮不離其鄉

賁 日月相望光明盛昌三聖成功仁德大隆蒙之

桃李花實蠱蠹日息長大成就甘美可食為我利福暴過
復入和出明動作有光運轉休息所為允康
無妄陰衰老極陽見其德復離載光天下昭明功業不長蝦蟆

代王坤有之臨
之未濟

大畜行役未已新事復起姬姜勞苦不得休止

頤 孤鳴室北飢無所食困於空丘苴與同力

大過雄聖伏名人匿麟遠走鳳飛北擾亂未息

坎 疾貧劫幸使伯行販閔牢擇羊多得大祥臨之

離 翕翕鞫鞫隕墜崩顛滅其令名長沒不存臨之謙噬

咸 華薄膏繁衣弊如絡女巧不成絲布為玉

恒 温山松栢常茂不落鸞鳳所庇得其歡樂需之

遯 失持母教嘉偶出走猥如失老如喪家狗

大壯 太乙駕騶從天上來微我季叔封為魯侯屯之隨

晉 雙鳧俱飛欲歸稱池徑涉藿澤為矢所射傷我胸臆旅之

明夷深坑復平天下安寧意娛心樂賴福長生

家人俱為天民雲過吾西風伯疾雨與我無恩

睽 野鳥山鵲來集六博三梟四散主人勝客

蹇 北陰司寒堅冰不温凌人情怠大雹為災

解 伊伯致仕去桀耕野執順以待反和無咎

損 秋風牽手相提笑語伯歌季舞燕樂以喜

益 徙巢去家南過白馬東西受福與母相得

夬 鳥飛跌跛兩兩相和不病四肢但去莫疑

如 三年生狗以成爲母荆夷上侵姬伯出走坤之震

萃 破筐蔽莒弃捐於道壞落穿敗不復所實

升 結紉得解憂不為禍食利僂家受福安坐

困 白日揚光雷車避藏雲雨不行各自還鄉

井 杜口結舌心中怫鬱去災生患無所告冤否之咸

革 賈且贖狸不聽我辭繫指虎鬚牽不得來需之

鼎 持鶴抱子見蛇何咎室家俱在不失其所

震 逐兎山西利走入門賴我仁德獲為我福

艮 興役不休與民爭時牛生五趾行危為憂

漸 春粟夏梨少鮮希有丰千石萬貴不可求

婦 妹悲號北行失其長兄伯仲不幸骸骨敗亡

豐 賦斂重數政為民賊杼抽空盡家去其室

旅 履服自敵殃咎並到憂不能笑

兌 免冠進賢步出朝門儀体不正賊篋為患

巽 杜口結舌言為禍母代伯受患無所禱免否之咸

渙 娶於姜女駕迎新婦少齊在門之子悅喜復之

節 牧羊稻園聞虎喧謹畏恐悚息終無禍患屯之

中 孚 老妾踞機緯絕不知女功不成冬寒無衣

小 過 黑龍吐光使陰復陽祭獵載聖六師以昌

既 濟 東隣嫁女為王妃后莊公築館以監主母歸於京師姬姜悅喜觀之

未 濟 灌頤同徒道頓跌跣日辰不良病為身禍

同人之第十三

同人 囊實山巔銷鋒鑄刃示不復用天下大歡

乾 一臂六手不使堵口莫肯為用利弃我走

坤 獐鹿逐牧飽婦其居安息無悔

屯 鴻魚逆流至人潛處逢高代柱天屋顛倒自以至此一本

蒙 三殺五特相隨俱行迷人空澤經涉六駭為賊所傷賤作

需 黃帝出遊駕龍乘馬乘上太山南過齊魯邦國咸喜

訟 履危不安心欲東西步走逐鹿空先所得

師 望尚阿衡大半用公藩屏湯武立為侯王

比 白龍黑虎起伏俱怒戰於阪兆蚩尤走敗死於魯首蒙之坎益

同止

小畜載石上山步跌不前頭肩之憂不得所歡

履 周德既成行軸不傾中西跌莫莫老衰去箴石不祐

泰 乘雲帶雨與飛鳥俱舉動子里見我慈母舉動止

否 賈具狐狸不聽我辭擊於虎鬚牽不得來

大有三翼飛來字我逢時俱行先至多得大利

謙 兩足四翼飛入我國寧我伯姊與母相得

豫 案民湖池玉盃天按魚如白雲一國獲鯉

隨 季姬踟躕望還城隅終日至暮不見齊侯居室無憂

蠱 龍隅求泉置雲影從河伯捧觴跪進酒漿流滄滄

臨 出門逢患與怒為怨更相擊刺傷我手端

觀 播衣樂天乾坤所命安樂無咎樂一作舞乾

噬嗑兩金相擊勇武敢敵終日大戰不破不缺

賁 大車難駕兩引如繩馬奔山後輪脫不行中道遇害

剝 之山紫芝雍梁朱草長生和氣與以為寶公戶侑食神福

來處

復 把珠入口為我畜寶得吾所有欣然嘉喜

無妄負車上山力盡行難列風雨雪遮過我前中道復還憂者

貝

得歡

大畜陶朱白圭善賈意資三致千金德施上仁

頤子鉏執麟春秋作陰元聖將終尼父悲心

大過春日載陽福履齊長四時不忒與樂為昌

坎孔懷如玉出於幽谷飛上喬木鼓其羽翼耀光照目坤之

離區脫康居慕入朝湛露之歡三爵畢思復歸宮廬以安

其居

咸秋冬夜行照覽星辰道理利通終身無患

恒如鵠抱子見蛇何外室家俱在不失其所

遯安如泰山福壽縷臻雖有豺虎不能危身

大壯耆蒙睡眠不知東西歲君失理命真為曲王稱為寶

晉戴璧秉珪請命于河周公克敏冲人出疹瘡

明夷大王執政歲孰民寧田國家豐有王者有喜

家人訟爭相背和氣不處陰陽俱否穀風母子

睽齊魯爭言戰於龍門構怨結禍三世不安此之

蹇鹿得美草嗚呼其友九族和睦不離邦域

解百里難行雖微復明去實適泰為復國卿

損梅李冬實國多寇賊亂擾並作王不能制此之

益府藏之富王以販貨捕魚河海苟網多得巨蛇大鱸戰於

國郊君逐走逃此之

夬社飛門啓喜意大解不為身禍此之

姤宜昌娶婦東家歌舞長樂歡喜

萃正陽之央申氏以亡禍及留吁烟滅為墟

升鳥過稻廬其樂麴醴雖驅不走田畯懷憂

困 跛踣俱行日暮車傷失旅之糧

井 龍門小穴流行不害民安其土君臣相保

華 山陵西塞逼我徑路欲前不得俱還故處

鼎 兩虎爭鬪血流浮杵城郭空虛蒿藜塞道

良 龍生無常或托空桑馮乘風雲為堯立功

震 依叔墻隅志下心勞楚亭晨食韓子低頭

漸 魁行挫尾逐雲吹水汗泥為陸下田為穰

婦 妹跛踣相隨日暮牛罷陵遲後旅失利亡雌

豐 三人俱行北求大祥長子病足請李負囊柳下之責不失

驪黃

旅 鳳凰在左麒麟在右仁聖相遇伊呂集聚傷害不至時無

殃咎福為我母心之

巽 乘筏渡河雖深不殆曾孫皇祖累世在受其大福

允 比目四翼來安吾國賈福上堂恩私同床損之

渙 娶於姜口駕迎新婦少妻在門夫子悅喜

節 螟虫為賊害我稼穡冬未殫麥秋無所得

中 孚衣裳顛倒為王來呼成就東周邦國大休

小 過王孫季子相與為友明允篤識升擢薦舉

既 濟涌泉滑滑流行不絕汙為江海敗毀邑里家無所處聞虎

不悻向我笑喜

未 濟桑鵲竊脂啄粟不宜亂政無常使我孔明

大有之第十四

大有白虎張牙征伐東華朱鳥前驅魁道悅辭敵人請服銜壁

而趨

乾 南山大行困於空桑老沙為石牛馬無食

坤 蟠枝失岐與母別離絕不相知

屯 蹲蹲所言莫如我垣懽樂堅固可以長安之

蒙 李梅零墜心思精憤懷憂小愧亂我菟氣

需 火雖熾在吾後寇雖多在吾右身安吉不危殆

訟 虎卧山隅鹿過後 弓矢復張猥為功曹伏不敢起遂至

洋野得我美草

師 三火起明雨滅其光高位疾顛驕恣深傷

比 疋居楚鳥遇譏無辜久散離憂備旅

小畜 一室十子同心異母以義防患禍災不起

履 商人行旅資無所有貪目利珠留連王市還 內顧公子

何咎

泰 禹將為君北入崑崙稍進陽光登入温湯功德昭明

否 乾行大德覆憐無極嘔呼享熟使各自得

同人 南國茂盛黍稷釀酒可以享老樂我嘉友

謙 方船備水旁河然火終身為禍與夫吉昌永得安康泰之

豫 雷行相逐無有休息戰於平陸為夷所覆

隨 踟躕踟躕撫心搔頭五晝四夜賭我齊侯

蠱 大口宣唇神使伸言黃龍景星出應德門與福上堂天下

安昌之

臨 陰衰老極陽建其德離載陽光天下昭明之無

觀 三塗五岳陽城大室神明所伏獨無兵革下有保國

噬嗑 年豐歲熟仁政民樂利以居止旅人獲福

賁 楚鳥逢矢不可久放離居無辜作此哀詩以告孔憂

剝 出門大步與凶惡忤詈公詈母為我憂趾
復 火之井谷揚芒生角犯歷天市闕觀太極登上玉牀家易

六公

無妄牧羊逢狼雖憂不傷畏怖惕息終無禍殃

大玄龜粟犧牲敬事鬼神者飲食受福多孫望季不來孔聖

厄陳讎之

頤 大澤治妝南敗牧牂長伯為我多得馬牛利於徙居

大過枯樹無枝與子分離飢寒莫養獨立哀悲

坎 天地九重堯舜治中正冠衣裳宇宙平康

離 鳥鷺遊涇君子以寧復德不愆福祿來成

咸 裸裎逐狐為人所笑牝雞司晨主作亂根

恒 典冊法言藏在蘭臺雖遭劫潰獨不遇災之大過坤

遯 三癡且狂欲之平鄉迷惑失道不知昏明

大壯 瘰癧湯疹為身瘡患疾病瘰疔常不危殆

晉 三豕俱走闔於谷口白豕不勝死於坂下

明夷 賴主之光受德之佑雖造顛沛獨不凶咎

家人 上義崇德以建大福吉宜誥旦周武功立

睽 四亂不安東西為恨身止無功不出國城乃得完全賴其

生福

蹇 金牙鐵齒西王母子無有患殆 大利小畜之

解 賀喜從福日利蕃意歡樂有得

損 昊天白日照臨我國萬民康寧咸賴壽福

益 左眇右盲視闇不明下民多孽君失其常

夬 吾有黍梁委積道傍有架服箱運到我鄉藏於嘉倉

始殊類異路心不相慕牝豕無猥鯨居室家
萃雀行求食出門見鷄顛蹶上下幾無所處
升野有積庾稽人駕取不逢狼虎暮歸其宇
困膚敏之德發憤忘食虜豹禽說為王求福師之
井光禮春成陳項雞鳴陽明失道不能自守消亡為咎
革左抱金玉右得熊足常盈不亡獲心所欲
鼎履泥汙足名困身辱兩仇相得身其為害
震安居重遷不去其廬禾米相聞樂得常產
艮天災所遊凶不可居轉徙獲福留止憂危
漸昧昧默默不知白日景雲亂擾光明隱伏幽王失國
歸妹息雁啞啞以水為宅雌雄相和常共娛樂得其所欲
豐長生無極子孫千億栢柱再梁堅固不傾

旅麒麟鳳凰善政得祥陰陽和調國無災殃
巽天之奧隅堯舜所居可以存身保我家室
兌配合相迎利之四鄉昏以為期與福喜笑
渙砥德礪材果當成周拜受大命封為齊侯
節與福俱坐畜水備火終無災禍
中孚晨昏潛處候時煦煦卒逢白日為世榮主
小過視日再光與天相望長生懽悅與福為尼
既濟大頭明日再受喜福二雀飛來與祿相觸
未濟梗生荆山命屬輸班袍衣剝脫夏熱冬寒立成枯槁衆人

莫矜

謙之第十五

謙 王喬無病狗頭不痛亡跛失履之我迭從

謙

木二

二二

乾 無躡喙嚙味真相持多言少實語無成事

坤 北辰紫宮衣冠立中含和達德常受大福鈔刀攻玉堅不

可得

屯 東壁餘光數暗不明主母嫉妬亂我業事

蒙 下背其上資明其讓子嬰兩頭陳破其墟

需 鳳生會稽稍具能飛翱翔柱林為衆鳥雄

訟 鑿井求玉非和氏寶名困身辱勞無所得師一作

師 邦傑載復送至東萊百僚具舉君王嘉喜一作

比 安息康居異國穹廬非吾邦域使伯憂戚

小畜 江河淮海天之都市商人受福國家富有

復 同木異葉樂仁上德東林慕義來與吾國

泰 白鶴銜珠夜室反明懷我德音身受光榮

否 踐履危難脫厄去患入臨喜門見吾母君

同人 宮商既和聲音相隨驪駒在門主君以歡

大有 天地配享六位光明陰陽順序以成厥功

豫 江河淮海天之奧府衆利所聚可以饒有樂我君子坤之

隨 雙鳥並飛欲歸稻池徑涉蘆澤為矢所射傷我胸臆坤之

晉之

蠱 伯仲叔季白暮寢寐裸卧失明喪我自囊銜卸道傍

臨 受終文祖承衰復起以義自閑雖苦無咎

觀 旋斗運樞順天無憂與天並俱離之

噬嗑 周師伐紂戰於牧野甲子平旦天下悅喜

賁 十雌百雛常與母俱抱雞搏虎誰敢害者

剝 桀跖並處人民愁苦擁兵荷糧戰於齊魯

復 南山昊天刺政閱身侯悲無辜皆憎為仇
無妄百川朝海流行不止道雖遠無不到者
大畜目不可合真乘搖足悚惕危懼去其邦域

綏厚需之大畜

頤 鳥升鵠舉照臨東海龍降庭堅為陶叔後封於蓂六福履

坎 懸復素餐食非其任失望遠民實勞我心

離 羔羊皮革君子朝服輔政扶德以合萬國

咸 齊魯爭言戰於龍門構怨致禍三歲不安坤之離同人
之較比之蠱

恒 以陰霖雨塗行泥潦商人休止市空無有

遯 桃鵲竊暗來於小枝搖動不安為風所吹寒心悚慄常憂

殆危

大壯防虫備災凶禍不來雖困無災

晉 引頸絕粮與母盡門不見所懼孰與共言

明夷 鱓蝦去海藏於枯里街巷偏隘不得自在南北無極渴餒

成疾

家人 恭實信敏功加四海辟去不祥喜來從母

睽 歲飢無年雪政害民乾溪驪山泰楚結怨

蹇 右目無瞳偏視寡明十步之外不知何公

解 蝟蟾歡喜草木嘉茂百菓蕃熾日益庶有

損 常德自如安坐無尤幸入貴鄉到老安榮絕無

益 狡兔趨趨犬良逐咋雄雉受害為鷹所獲

夬 春桃生花季文宜家受福多年男為封君

姤 山石朽弊稍崩墜落下上離心君失其崇

萃 水壞我里東流為海龜見謹譁不睹我家

升 十竅龍身造化八元法天則地順時施行富貴長存

困 四夷慕德來興我國文君降陟各受其德

井 華首山頭仙道所遊利以居止長無外憂

革 鷓鴣從來西至平州遭逢雷電損我葦蘆家室飢寒思吾

故初

鼎 狗無前足陰雄叛北為身害賊

震 陽孤亢極多所恨或車傾蓋亡身常驚惶乃得其願雄

相存

艮 空槽住猪豚豕不至張可祝雞雄父飛去

漸 長夜短日陰為陽賊萬物空枯藏於北陸

歸 妹瓜牙之士然毒析父轉憂與已傷不及恩

豐 拜跪請免不德自腐俛首街指不得北去

旅 有莘季女為王妃后貴夫壽子母字四海

巽 季姜躊躇待孟城隅終日至旦不見齊侯

兌 邯鄲反言父兄生患涉此憂恨卒死不還

渙 逐鹿山巔利去我西維邪南北所求不得

節 穿鼻擊珠為虎所拘王母祝福禍不成災突然自來

中 孚虎豹能皮遊戲山谷君子仁賢亦得所欲

小 過梅李冬實國多盜賊擾亂並作王不得制

既 濟望幸不到文章未就羊子逐兎犬跨不得

未 濟千柱百梁終不傾僵仁智輔聖周宗寧康

豫之第十六

豫 冰將泮散鳴雁雍雍丁男長女可以會同生育賢人

象

乾 龍馬上山絕無水泉喉焦唇乾口不能言

坤 蔡侯朝楚留連江濱踰時歷月思其君

屯 文厄姜里湯囚夏臺仁聖不害數困何憂免於縲紲為世

明侯

蒙 典冊法書藏閣闈臺雖遭亂潰獨不遇災

需 瓊裘羶國文禮不飭跨馬控弦伐我都邑

訟 星隕如雨力弱無輔強陰制陽不得安土

師 蝗蠹我稻驅不我去實穗無有但見空囊

比 虎飢欲食為蝟所伏禹道龍門避咎除患元醜以安

小畜 蝙蝠夜藏不敢書行酒為酸漿魴是鮑羹

履 精華墜落形体醜惡齟齬挫頓枯槁腐蠹

泰 兩足不獲難以遠行疾步不能後侶失時

否 令妻壽母宜家無咎君子之歡得可以長久

同人 飢蚕作室縉多亂纏緒不可得

大有 子鈕執麟春秋作元陰聖得終尼父悲心

謙 螟虫為賊害我稼穡盡禾殫麥秋無所得

隨 憂在腹內山崩為疾禍起蕭牆竟制其國

蠱 茹芝餌黃飲食玉瑛神與流通長無憂凶

臨 一夫兩心技刺不深所為無功求事不成

觀 十里望烟散渙四方形容滅亡終不見君

噬嗑 張弓控弩經涉山道雖有伏虎誰敢害者

賁 泉閉澤竭主母飢渴君子困窮乃徐有說

剝 野猿山鵠亦慕六博三梟四散主人勝客

復 羊驚馬走上下揮擣鼓音不絕項公奔敗

豫

無妄黃帝神明八子聖聰俱受大福天下平康

六畜住馬駉酒疾風暴起泛亂福器飛揚位卓明神降佑道無

害寇

馭 騰蛇乘龍宋鄭飢凶民食草蓬

入過揚水潛鑿使石潔白衣素表朱遊戲臯澤得君所欲心志

娛樂

次 西過虎廬驚我前驅雖憂無危

離 衣成無關不知所穿客指東西未得便安

咸 晨風文翰隨時就温雌雄相和不真殆危

恒 心多悔恨出言為怪梟鳴室北聲醜可惡請謁不得

遯 離女去夫閔思苦憂齋子無良使我心悲

壯 壯過時不歸雌雄苦悲徘徊外國與叔分離

晉 鵲巢柳樹鳩奪其處任力德薄天命不佑

明夷 鶴盜我珠逃於東都鵠怒追求郭氏之墟不見踪跡使伯

心憂

家人 夫婦相背和氣弗處陰陽俱否莊妻無子

睽 月走日步趣不同舍妻夫反目主君失居

蹇 洛陽嫁女善逐人走三寡失夫婦妬無子

解 周德既成杼抽不傾大宰東西夏國康寧

損 日中為市交易資寶名利所有心悅以喜

益 僮妾獨宿長女未室利無所得

夬 忠言輔成王政不傾公劉兆基文武綏之

姤 牛驥同堂郭氏以亡國破為墟主君奔走

萃 中原有救以待雉食飲御諸友所求大得

豫

升 多虛少實語不可知尊空無酒飛言如雨

困 青蠅集蕃君信讒言害賢傷忠患生嬖人

井 履株復輿馬驚傷車步為我憂

革 商風召寇呼我北盜間謀內應與我爭鬪殫已寶藏主人

不勝

鼎 逸豫好遊不安其家或有少姬久迷不來

震 吾有驕驕畜之以時東家翁孺來詣我車價極可與後無

賊悔

艮 厄窮上通與堯相逢登升大麓國無凶人

漸 眾免俱走雄罷在後騎不能進失信寡處

歸 妹旁行不遠三思復返心多畏患日中止舍

豐 倉皇奉使中山以孝文侯悅喜繫子徵召

旅 入天門守城戶君安樂不勞苦文山蹲鴟肥脂多脂王孫

獲頤載福魏魏

巽 登塔上堂見吾父兄左酒右漿與福相迎

兌 秋蛇向穴不失其節夫人姜氏自齊復入

渙 忍醜少羞有面無頭耗減寡虛日以削消

節 景星照堂麟遊鳳翔仁施大行頌聲並興

中 孚干旄旌旗執幟在郊雖有寶珠無路致之婦妹之隨

小 過李花再實鴻卵降集仁德以興陰國受福師之損

既 濟白鳥赤鳥戰於東都敗悔為憂

未 濟採薪得麟大命殞頭豪雄爭名天下四分地之

隨之第十七

隨 鳥鳴東西迎其群侶似有所屬不得自尊空返獨還

隨

乾 鼻目易處不知香臭君迷於事失其寵位

坤 唐虞相輔鳥獸喜舞安康無事國家富有

屯 左輔右弼金玉滿匱常盈不亡富如教倉師之坤婦

蒙 東龍見獨與石相觸摧折兩角

需 釣日厭部善逐人走來嫁無夫不安其廬

訟 逐兎驅狼避去不祥凶惡北行與喜相逢需之

師 賚貝贖狸不聽我辭擊於虎鬚牽不得來需之 否之 同革


比 同載共輿中道別去喪我元夫獨與孤居比之

小畜 奮翅鼓翼將之嘉國愆期失時乃得所欲

履 目傾心惑夏姬在側申公顛倒巫臣亂國

泰 搏鳩彈鵲獵兔山北九盡日暮失獲無得

否 鹿求其子虎盧之里唐伯季耳貪不我許



20681